

جيت يم جسمك يشايل رايتي آه يا عبّاس
حامل اجرّوح المصيبة ابمهجتي آه يا عبّاس
ومن دما عينك تجارت دمعتي آه يا عبّاس
گوم حاجيني يا كافل عيآتي آه يا عبّاس
تدري بعدك شممت العدوان بيّه
والعساكر يا الأخو حاطت عليّه

بالخيم صورة خيالك حاضرة آه يا عبّاس
بعين كل طفل ویتيمة صابرة آه يا عبّاس
ترقب ارجوعك يسبع الكنطرة آه يا عبّاس
وبچفوفك تسگي عيله امحيّره آه يا عبّاس
ما دروا جسمك وگع فوق الوطيه
وضاع حلم العيلة ابشربة اميّه

من طفی اعيونك سهم أهل الغدر آه يا عبّاس
انعميت اعيوني وخلص حد الصبر آه يا عبّاس
ومن طحت يا خويه من فوق المهر آه يا عبّاس
بطيحتك طاحت عواميد العمر آه يا عبّاس
ومن شفت جودك على الشاطي رمية
إنكسر ظهري ووقع بيتي عليّه

شلون تتهنه يخويه ابنومتك آه يا عبّاس
وسكنه عالموعد تناطر جيتك آه يا عبّاس
شلعذر لو وصلت يم جتتك آه يا عبّاس
ومدّدت عبدالله جانب رايتك آه يا عبّاس
اشتعتذر ليها يبو النفس الأبيه
وهذا ماي العلكمي يبن الشفه

گوم للم جسمك وشيل العلم آه يا عبّاس
ومن وسط عينك دطلع هالسهم آه يا عبّاس
وحننا نرجع يا عضيدي للخيم آه يا عبّاس
ما تريد الماي سكنه والحرم آه يا عبّاس
ومن دموع اعيونك السالت جريه
روي كل طفله ویتيمه هاشمية